



Caderno da crítica

Cuestionario Proust: Xavier Queipo

[Ramón Nicolás 31 Xaneiro 2014](#)

<https://cadernodacritica.wordpress.com/2014/01/31/cuestionario-proust-xavier-queipo/>

1.– Principal trazo do seu carácter?

– A lealdade.

2.– Que calidade aprecia máis nas persoas?

– A flexibilidade intelectual, a negación do pensamento dogmático.

3.– Que agarda das súas amizades?

– Que digan a verdade do que pensan.

4.– A súa principal eiva?

– Os excesos na tolerancia.

5.– A súa ocupación favorita?

– Pasear sen rumbo fixo.

6.– O seu ideal de felicidade?

– Ter una casa grande onde recibir aos amigos.

7.– Cal sería a súa maior desgraza?

– A soedade non procurada, a outra podo soportala ben.

8.– Que lle gustaría ser?

– Profesor e avó.

9.– En que país desexaría vivir?

– Alí onde o amor me leve.

10.– A súa cor favorita?

– O azul mudábel do mar.

11. – A flor que máis lle gusta?

– O xirasol, que non ten nada de discreto e dá un froito delicioso.

12.– O paxaro que prefire?

– O paporroibo, que trae a primavera no seu corazón ardente.

13.– A súa devoción na prosa?

– Vai mudando, agora aínda Severo Sarduy.

14.– E na poesía?

– As antoloxías.

15.- Un libro?

– *De donde son los cantantes.*

16.– Un heroe de ficción?

– Os heroes só existen na vida real.

17.– Unha heroína?

– As heroínas tamén.

18.– A súa música favorita?

– O jazz.

19.– Na pintura?

– As vangardas do século XX.

20.– Un heroe ou heroína na vida real?

– Aquel que tanto me quere.

21.– O seu nome favorito?

– Teño varios.

22.– Que hábito alleo non soporta?

– A vaidade.

23.– O que máis odia?

– Os que prefiren a inxustiza á desorde.

24.– A figura histórica que máis despreza?

– Franco leva moitos boletos, mais teño outros que non desmerecen.

25.– Un feito militar que admire?

– A xornada de Omagua e El Dorado, deu magníficas novelas.

26.– Que don natural lle gustaría ter?

– A adiviñación, mais non sei se é natural.

27. – De que maneira lle gustaría morrer?

– Sen ninguén chorando a carón de min.

28.– Cal é o seu estado de ánimo máis habitual?

– Ocupado.

29.– Que defectos lle inspiran máis indulxencia?

– As dependencias.

30.– Un lema na súa vida?

– *Ubi bene, ibi patria.*